

Na osnovu člana 63. stav (1) tačke d) i e) Zakona o visokom obrazovanju (prečišćeni tekst) („Sl. novine TK“ broj: 21/21, 22/21, 5/22, 11/22 i 16/22), a u vezi sa članovima 20. stav (4), 67., 126. i 127. istog Zakona i člana 52. stav (1) tačka b) Statuta Univerziteta u Tuzli, Senat Univerziteta u Tuzli na sjednici održanoj 12.04.2023. godine donio je

PROCEDURE

donošenja novih i usklađivanje postojećih studijskih programa

Član 1.

Ovim Procedurama se bliže reguliše postupak predlaganja donošenja novih studijskih programa i usklađivanje postojećih studijskih programa Univerziteta u Tuzli.

Predlaganje novog studijskog programa

Član 2.

Ovlašteni predlagač novog studijskog programa je jedno naučno-nastavno/umjetničko-nastavno vijeće (NNV/UNV) fakulteta/ADU koje je matično za realizaciju studijskog programa ili više NNV/UNV fakulteta/ADU Univerziteta u Tuzli za zajednički studijski program.

Prije podnošenja prijedloga novog studijskog programa Rektor Univerziteta, potrebno je organizovati raspravu, u kojoj trebaju biti uključeni predstavnici studenata, alumni, privredne i druge organizacije u zavisnosti od sadržine studijskog programa.

Član 3.

Prijedlog studijskog programa čine sljedeći dijelovi:

1. Zapisnik koji sadrži podatke o sprovedenoj raspravi po prijedlogu novoga studijskog programa.
2. Opšti dio koji sadrži:
 - opis studija;
 - trajanje studija;
 - stručni ili akademski naziv i stručno i naučno zvanje koje se stiče završetkom studija;
 - uslove upisa na studij;
 - ishode učenja;
 - listu obaveznih i izbornih predmeta sa okvirnim sadržajem, brojem časova nastave i brojem ECTS kredita svakog predmeta;
 - listu drugih obaveza i/ili aktivnosti iz kojih student ostvaruje ECTS kredite;
 - način realizacije nastave i način provjere znanja za svaki predmet;
 - listu izbornih predmeta, što može uključivati i obavezne predmete drugog usmjerenja istog studijskog programa ili drugog studijskog programa na Univerzitetu;
 - uslove i način upisa obaveznih i izbornih predmeta i drugih aktivnosti, kao i način izmjene odabira izbornog predmeta;
 - uslove za upis u naredni semestar odnosno narednu godinu studija pri čemu se uzima u obzir ukupan broj ostvarenih ECTS kredita studenata u skladu sa ZoVO TK i Statutom Univerziteta;
 - način završetka studija;

- odredbe o tome da li i pod kojim uslovima studenti koji su prekinuli studij, odnosno izgubili status studenta mogu nastaviti studij, i
 - silabuse/nastavne programe svih nastavnih predmeta predviđenih studijskim programom
3. Silabus (na bosanskom/hrvatskom/srpskom i engleskom jeziku) za svaki predmet, koji sadrži:
- nosioca nastavnog programa;
 - cilj programa (znanja, vještine i kompetencije), cilj i ishode učenja;
 - sadržaj nastavnog predmeta;
 - način izvođenja nastave;
 - obaveznu i dopunsku literaturu, i
 - način i procedure vrednovanja znanja i polaganja ispita

Član 4.

Elaborat o opravdanosti izvođenja studijskog programa koji sadrži:

- razloge uvođenja studijskog programa;
- dokaze da visokoškolska ustanova ispunjava kriterije za realizaciju istog u skladu sa Standardima i normativima;
- dokaze o usklađenosti ishoda učenja sa savremenim zahtjevima u datoj naučnoj oblasti, međunarodnim iskustvima i zahtjevima tržišta rada;
- dokaz o podudarnosti predloženog studijskog programa u većem dijelu sa studijskim programima iz najmanje tri licencirane i akreditovane visokoškolske ustanove iz zemalja potpisnica Bolonjske deklaracije (u daljem tekstu: komparativni studijski programi).

Za utvrđivanje podudarnosti predloženog studijskog programa sa komparativnim studijskim programima, komparativne studijske programe dostaviti u printanom ili elektronskom obliku, sa obaveznom naznakom visokoškolske ustanove na kojoj se komparativni studijski programi izvode.

Kadrovski resursi

Član 5.

Prijedlog za uvođenje novog studijskog programa mora sadržavati i opis kadrovskih resursa, koji sadrži:

- spisak nastavnika i saradnika koji će učestvovati u realizaciji studijskog programa
- procjenu optimalnog broja studenata koji se mogu upisati na studijski program.

Prostorni resursi

Član 6.

Podaci o prostornim resursima i opremi trebaju sadržavati:

- podatke o raspoloživim učionicama
- podatke o laboratorijima
- podatke o informatičkim učionicama i broju računara
- podatke o nastavničkim kabinetima
- podatke o bibliotečkom prostoru, sa pregledom bibliotečke građe

- podatke o osiguranom prostoru i osoblju u studentskoj službi.

Finansijski resursi

Član 7.

Prijedlog za uvođenje novog studijskog programa mora sadržavati finansijsku analizu koja je urađena u saradnji sa Službom za ekonomske poslove Univerziteta.

Član 8.

(1) Prijedlog za pokretanjem postupka donošenja novog studijskog programa dostavljaju Rektor i naučno-nastavna vijeća fakulteta koje je/su matičan/ni za realizaciju područja studijskog programa, najkasnije 8 mjeseci prije početka akademske godine u kojoj se planira početak izvođenja novog studijskog programa.

(2) Prijedlog s pripadajućom dokumentacijom podnosi se u tri primjerka, i u elektronskom obliku.

(3) Ukoliko je prijedlog s pripadajućom dokumentacijom nepotpun, isti se vraća podnosiocu zahtjeva da dokumentaciju dopuni u roku od 14 dana.

Član 9.

- (1) Prijedlog novog studijskog programa, Rektor dostavlja Ministarstvu obrazovanja i nauke na saglasnost.
- (2) Nakon dobijanja saglasnosti od strane Ministarstva, Rektor dostavlja prijedlog novog studijskog programa Senatu na razmatranje.
- (3) U slučaju pozitivne odluke Senata, visokoškolska ustanova podnosi zahtjev Ministarstvu za licenciranje studijskog programa.
- (4) Ukoliko je Ministarstvo dodijelilo licencu, Univerzitet o tome obavještava Agenciju za razvoj visokog obrazovanja i osiguranja kvaliteta.

Usklađivanje studijskog programa

Član 10.

- (1) Pod usklađivanjem studijskog programa smatra se provođenje manjih izmjena i dopuna studijskog programa.
- (2) Manje izmjene i dopune studijskog programa znače izmjene plana izvođenja studijskog programa te sadržajne izmjene programa do 20% koje ne mijenjaju bitno studijski program, završne kompetencije studenata i njihove kvalifikacije (stručni profil).

Pod manjim izmjenama podrazumijeva se:

- ažuriranje studijske literature (prijedlog promjena mora se odnositi na sljedeću akademsku godinu)
- preraspodjela ECTS kredita (opterećenje studenata različitim vrstama obaveza) unutar ukupnog broja u nekom predmetu
- preraspodjela broja nastavnih sati za različite oblike nastave unutar broja predviđenog za predmet.

- (3) Redovno osavremenjivanje predmeta koje se odnosi na poboljšanje nastavnih metoda, praćenje literature i uspjeha studenata, te usklađivanje sadržaja sa savremenim saznanjima, ne smatraju se znatnijim promjenama, nego predstavljaju dio osiguranja kvaliteta.

- (4) Smanjenje obima nastavnog plana kao dijela studijskog programa čija je realizacija u toku, ne smatra se izmjenom studijskog programa.
- (5) Izmjene i dopune studijskog programa koje bitno mijenjaju studijski program, završne kompetencije studenata i njihove kvalifikacije (stručni profil), smatraju se zahtjevom za uvođenjem novog studijskog programa.

Član 11.

- (1) NNV/UNV fakulteta/ADU daje prijedlog za usklađivanjem određenog studijskog programa u kojem se definišu:
 - a. razlozi za predlaganje usklađivanja studijskog programa
 - b. na koji način izmjene programa utiču na definirane ishode učenja u studijskom programu.
- (2) Prilikom davanja prijedloga za usklađivanjem studijskog programa koji nije akreditovan, NNV/UNV fakulteta/ADU u datom prijedlogu definiše na koji način izmjene programa utiču na indikatore kvaliteta iz Priručnika za osiguranje kvaliteta i preporuke iz Izvještaja o eksternoj evaluaciji Univerziteta u Tuzli.
- (3) Prilikom davanja prijedloga za usklađivanje studijskog programa koji je akreditovan, NNV/UNV fakulteta/ADU u datom prijedlogu definiše na koji način izmjene programa utiču na indikatore kvaliteta iz Priručnika za osiguranje kvaliteta, preporuke iz Izvještaja o eksternoj evaluaciji Univerziteta u Tuzli i preporuke iz Izvještaja o eksternoj evaluaciji studijskog programa.
- (4) Prijedlog za usklađivanjem studijskog programa, s pripadajućom dokumentacijom, podnosi NNV/UNV fakulteta/ADU Senatu Univerziteta u dva primjerka, i jedan u elektronskom obliku, najkasnije šest mjeseci prije početka akademske godine u kojoj se planira početak izvođenja studijskog programa.
- (5) Odluke koje se odnose na usklađivanje studijskih programa za sva tri ciklusa studija moraju biti donešene i objavljene prije raspisivanja konkursa za upis studenata u prvu godinu.

Član 12.

U postupku promjene sadržaja ili uvođenja novih nastavnih predmeta u postojeće studijske programe fakulteta/Akademije (usklađivanje studijskih programa) ili prilikom donošenja novog studijskog programa, fakultet/Akademija koji realizuje taj studijski program obavezan je prije dostavljanja prijedloga Senatu Univerziteta pribaviti pismenu saglasnost naučno-nastavnog vijeća fakulteta/Akademija koji je matičan za dati nastavni predmet, odnosno kojem predmet po svom sadržaju pripada.

Član 13.

Odluku o usklađivanju studijskog programa donosi Senat Univerziteta na prijedlog NNV/UNV-a fakulteta/ADU.

Zajednički studiji

Član 14.

Zajednički studij predstavlja visokoškolsku kvalifikaciju stečenu na najmanje dvije

visokoškolske institucije iz Bosne i Hercegovine ili iz Bosne i Hercegovine i inostranstva, ili najmanje dvije organizacione jedinice Univerziteta, koje su zajednički razvile studijski program, te ga zajednički provode i ostvaruju, uz moguću saradnju drugih institucija.

Član 15.

Ove Procedure odnose se na sva tri ciklusa studija.

Prelazne i završne odredbe

Član 16.

Usklađivanje studijskih programa čija je primjena u toku, vrši se na način i u postupku utvrđenom ovim Procedurama, u skladu sa aktima Univerziteta.

Član 17.

Ove Procedure stupaju na snagu danom donošenja i biti će objavljene na oglasnoj ploči fakulteta i na web stranici Univerziteta i fakulteta/ADU.

UNIVERZITET U TUZLI

SENAT

Broj: 03-2045-1-7/23

Tuzla, 12.04.2023. godine



PREDSJEDAVAJUĆA SENATA

dr. sci. Nermina Hadžigrahić, red. prof.